

Home > CHASTELAIN DE COUCI > EDIZIONE > Merci clamans de mon fol errement > Tradizione manoscritta > CANZONIERE X > Edizione diplomatico-interpretativa

Edizione diplomatico-interpretativa

Li chastelains de couci.	Li Chastelains de Couci
	I
Merci clamant de mo(n) fol errement. fera la fin de mes chancons oir. car trai ma (et) mort aescient. mes ialos cuers qui gen doi tant hair. sima mal fait par le dit dautre gent. tot sont parti demoï ioios ta - lent. et quant ioie me faut bien est raisons quapres ma ioie fenissent mes cha(n) - cons	Merci clamant de mon fol errement fera la fin de mes chancons oïr car traï m'a et mort a escient mes jalos cuers qui g'en doi tant haïr, si m'a mal fait par le dit d'autre gent tot sont parti de moi joios talent et quant joie me faut bien est raisons qu'après ma joie fenissent mes chançons.
	II
Bien sai quil est lieus et poins es saisons. qua toz les biens damors doie faillir. car ie forfis (et) moie est lachai - sons. que qui mal quiert il doit bien mal souffrir. dex dont que mors ensoit mes guerredons. ainz que demoï face lies les felons. car por mon pis uiurai (et) por ueir. ma bele perte por plus ioie amenrir.	Bien sai qu'il est lieus et poins es saisons qu'a toz les biens d'amors doie faillir, car je forfis et moie est l'achaisons que qui mal quiert il doit bien mal souffrir. Dex dont que mors en soit mes guerredons ainz que de moi face liés les felons! Car por mon pis vivrai et por veir ma bele perte por plus joie amenrir.
	III

A touz amans pri quil di - ent le uoir. li quels doit melz par droit damors ioir. ou cil qui aime de cuer son po - oir. (et) ne sen set mie tres bie(n) courir. ou cil qui sert ades por decevoir. (et) bien sen set partir par son sauoir. dites amans qui uaut melz par raison. loial folie ou sage traison.	A touz amans pri qu'il dient le voir: li quels doit melz par droit d'amors joir, ou cil qui aime de cuer son pooir et ne s'en set mie très bien covrir, ou cil qui sert adés por decevoir et bien s'en set partir par son savoir? Dites amans, qui vaut melz par raison, loial folie ou sage traïson?
	IV
Se guerredon fussent rendu adroit. bien mi deust amors mon lieu tenir. que ie le fis enbone entencion. (et) bien cui dai que men deust uenir. mes ma dame ne me ueut se mau non. porce si he moi (et) ma garison. (et) quant mes maus li sont douz (et) plaisant. por li me he (et) ensui mes mal vueillans.	Se guerredon fussent rendu a droit, bien mi deüst amors mon lieu tenir, que je le fis en bone entencion et bien cuidai que m'en deüst venir, més ma dame ne me veut se mau non, por ce si hé moi et ma garison et quant mes maus li sont douz et plaisant por li me hé et en sui mes mal vueillans.
	V
He franche riens por qui ie muir amans. faites amors en uos plus beau fenir. sor toutes fins est ce la melz uaillans. et ne por quant se(n) puis ie bien mentir. car fins amans ne puet estre auen - nans. semort nen part por ce morai souffrans. (et) chan - terai sans ioie (et) sans finer. que plus ne doi afin dam(or)s penser.	He franche riens por qui je muir amans, faites amors en vos plus beau fenir! Sor toutes fins est ce la melz vaillans et neporquant s'en puis je bien mentir car fins amans ne puet estre avennans se mort n'en part, por ce morai souffrans et chanterai sans joie et sans finer que plus ne doi a fin d'amors penser.

- letto 460 volte

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-530>